

Escrito por Redaccion @valminorinfo
Xoves, 07 Agosto 2014 23:12



Corenta e nove obras participarán no 2014 da VII edición do Premio de Poesía Victoriano Taibo - Entidade Menor Local de Morgadán, organizado polo Instituto de Estudos Miñoranos. Cantidade que fai desta edición a de maior participación de orixinais dende a creación do certame no ano 2008.

O pasado 31 de xullo rematou o prazo para a recepción de orixinais para participar no VII Premio de Poesía Victoriano Taibo – Entidade Local de Morgadán. O xurado reuniuse para recoller os traballos presentados, nun total de corenta e nove obras. O fallo farase público nos primeiros días de setembro, en data que se anunciará nos medios de comunicación.

O premio dotado con 3.000 €, peza conmemorativa e a publicación da obra premiada está sufragado pola Entidade Local Menor de Morgadán e xestionado polo Instituto de Estudos Miñoranos e será entregado nun acto a celebrar no edificio das Escolas de Guillufe (Morgadán) na 2ª semana de novembro.

Na primeira convocatoria resultou gañador o poemario *Cultivos Transxénicos* de Carlos Negro; na segunda o xurado acordou conceder o premio ex aequo aos poemarios

Cuarto Minguante

, do que é autora Mª Carmen Caramés, e

Biografía da Multitude

, que resultou estar creado a dúas mans por Elvira Riveiro e Silvia Penas; na terceira edición o premio foi para o libro

Escrito por Redaccion @valminorinfo
Xoves, 07 Agosto 2014 23:12

Devastacións dispoñibles

, de M^a Goretti Fariña, na cuarta edición a obra premiada foi

Holocausto Zaoe

, de Calros Solla; na quinta edición a obra gañadora foi

Distancias e Simetrías

, de María Concepción Álvarez Lebrede e na sexta a obra premiada foi

Territorios Estraños

de Ramón Sandoval.